

**ZAKON
O NAKNADI ZA PUTEVE
IZ MALOPRODAJNE CIJENE NAFTNIH DERIVATA**

Na osnovu člana 23 Statuta Brčko Distrikta Bosne i Hercegovine, Skupština Brčko Distrikta Bosne i Hercegovine na 57. sjednici održanoj 30. decembra 2002. godine, usvojila je

Z A K O N

O NAKNADI ZA PUTEVE IZ MALOPRODAJNE CIJENE NAFTNIH DERIVATA

I. OPĆE ODREDBE

Član 1

Ovim zakonom se uređuje plaćanje naknade za puteve iz maloprodajne cijene naftnih derivata (u daljem tekstu: putarina) čiji se promet vrši na području Brčko Distrikta BiH.

Član 2

Putarina se plaća prilikom prodaje naftnih derivata krajnjem korisniku.

II. OBVEZNIK, OSNOVICA I VISINA PUTARINE

Član 3

Obveznik putarine je prodavač naftnih derivata.

Član 4

Putarina se plaća na promet dizel goriva (D1, D2 i D3) i motornih benzina.

Gradonačelnik Brčko Distrikta će svojom odlukom propisati visinu putarine koja ne može biti veća od 0,15 KM po litru.

Putarina se ne uključuje u osnovicu za obračun poreza na promet.

Član 5

Sve što nije regulisano ovim zakonom u pogledu plaćanja, žalbenog postupka, obnove postupka, zastare, obračunavanja, naplate, kamata i povrata

više plaćane putarine i kazni shodno se primjenjuju odredbe Zakona o porezu na promet proizvoda i usluga u prometu («Službeni glasnik Brčko Distrikta BiH» broj 7/02), i odredbe Zakona o Poreznoj upravi ("Službeni glasnik Brčko Distrikta BiH" broj 3/02).

Član 6

Obveznik plaćanja putarine dužan je uplatu izvršiti na Jedinstveni račun Distrikta u skladu sa odlukom gradonačelnika.

III. PRIJELAZNE I ZAVRŠNE ODREDBE

Član 7

Na dan početka primjene ovog zakona obveznik plaćanja putarine iz naftnih derivata dužan je izvršiti popis naftnih derivata i u maloprodajnu cijenu ukalkulisati putarinu iz člana 4.

Član 8

Ovaj zakon stupa na snagu danom donošenja, a primjenjivat će se od 01. 01. 2003. godine i bit će objavljen u "Službenom glasniku Brčko Distrikta BiH".

Босна и Херцеговина
БРЧКО ДИСТРИКТ
БОСНЕ И ХЕРЦЕГОВИНЕ
СКУПШТИНА БРЧКО ДИСТРИКТА

Bosna i Hercegovina
BRČKO DISTRIKT
BOSNE I HERCEGOVINE
SKUPŠTINA BRČKO DISTRIKTA

Broj: 0-02-022-369/02
Brčko, 30. decembar 2002. godine

PREDSJEDNIK
SKUPŠTINE BRČKO DISTRIKTA

Mirsad Đapo, dipl. pravnik